



**Raiffeisen  
INVEST**

U skladu sa Zakonom o investicijskim fondovima ("Službene novine FBiH" broj 85/08), Zakonom o tržištu vrijednosnih papira čl.36 ("Službene novine FBiH", broj 85/08) i Rješenjem Komisije za vrijednosne papire FBiH broj 05/3-19-261/12 od 27.09.2012. godine Raiffeisen INVEST Društvo za upravljanje fondovima d.o.o. Sarajevo objavljuje:

Raiffeisen INVEST Društvo za upravljanje fondovima d.o.o. Sarajevo  
71 000 Sarajevo, Zmaja od Bosne bb  
Tel.: +387 33 72 86 01, +387 33 72 86 02 Fax: +387 33 65 76 54  
www.raiffeiseninvest.ba

## JAVNU PONUDU ZA PRODAJU UDJELA

### RAIFFEISEN BALANCE OTVORENI INVESTICIJSKI FOND SA JAVNOM PONUDOM

Raiffeisen INVEST Društvo za upravljanje fondovima d.o.o. Sarajevo (dalje u tekstu: Društvo) osniva Raiffeisen BALANCE otvoreni investicijski fond s javnom ponudom (dalje u tekstu: Fond) i njime upravlja s isključivim ciljem prikupljanja novčanih sredstava javnom ponudom investitorima. Osnivač i jedini vlasnik Društva je Raiffeisen BANK d.d. Bosna i Hercegovina.

Prije ulaganja u investicijske fondove potencijalnim investitorima se preporučuje da sagledaju svoju cjelokupnu imovinu, trenutne i buduće potrebe za novčanim sredstvima, ličnu sklonost preuzimanju rizika karakterističnu za određenu vrstu ulaganja, planirani rok ulaganja i očekivanja glede potencijalnih prinosa.

Ulaganje u fond Raiffeisen BALANCE investitorima omogućava visoku diverzifikaciju, transparentnost, likvidnost i profitabilnost ulaganja u skladu sa pripadajućim rizicima ulaganja, kao i

#### profesionalno upravljanje imovinom.

Prospekt i Statut dati u nastavku predstavljaju javnu ponudu investitorima za kupovinu udjela Fonda. Prije donošenja odluke o ulaganju, potencijalni investitori se pozivaju da detaljno pročitaju Prospekt i Statut Fonda, kako bi se informisali o mogućnostima i rizicima ulaganja.

Informacije navedene u javnoj ponudi kao i sadržaj Prospekta i Statuta Fonda sačinjeni su i objavljeni u skladu sa odredbama Zakona o investicijskim fondovima ("Službene novine FBiH", broj 85/08") i drugim podzakonskim aktima koji regulišu ovu oblast, te su isti odobreni od strane Komisije za vrijednosne papire FBiH.

Kupovina udjela Fonda obavlja se isključivo uplatama novčanih sredstava na račun fonda Raiffeisen BALANCE kod Volksbank BH dd br. 1401010025990213, te potpisivanjem i predajom Zahtjeva za kupovinu udjela čime investitor ulazi

u ugovorni odnos s Društvom koje se obavezuje da će uplaćenim novčanim sredstvima upravljati kao dijelom zajedničke imovine u skladu sa uslovima navedenim u Prospektu i Statutu Fonda. Nerezidenti (strana fizička i pravna lica) uplate mogu vršiti na račun fonda Raiffeisen BALANCE kod Volksbank BH dd, SWIFT VBSABA22, IBAN BA391401010025990213.

Zahtjev za kupovinu udjela je dostupan u sjedištu Društva, ul. Zmaja od Bosne bb Sarajevo, u poslovnicama Raiffeisen BANK d.d. Bosna i Hercegovina na području FBiH kao i na web stranici Društva [www.raiffeiseninvest.ba](http://www.raiffeiseninvest.ba). Investitor je dužan dostaviti potpisan i popunjen zahtjev za kupovinu udjela u sjedište Društva ili u bilo koju poslovnicu Raiffeisen BANK d.d. Bosna i Hercegovina na području FBiH. Zahtjev koji je zaprimljen u neradne dane smatrat će se zaprimljenim prvog radnog dana koji slijedi nakon dana zaprimanja zahtjeva.

Za vrijeme trajanja javne ponude početna vrijednost jednog udjela iznosi 100,00 KM.

Minimalan iznos prve uplate investitora prilikom kupovine udjela u Fond iznosi 500,00 KM, a svaka naredna uplata iznosi minimalno 100,00 KM. Minimalna uplata u Fond prilikom ulaganja koje predstavlja investicijski plan (čime se podrazumijevaju ugovorene periodične uplate u Fond) je 50,00 KM. Javna ponuda za prodaju udjela OIF Raiffeisen BALANCE počinje 15.10.2012. i traje do i uključujući 31.12.2012.

Izvod o stanju udjela stečenog u toku javne ponude dostavit će se investitorima putem pošte po izdavanju Rješenja Komisije za vrijednosne papire FBiH o uspješnosti javne ponude. Registracija udjela će se izvršiti u skladu sa Pravilnikom o registru udjela propisanim od strane Komisije za vrijednosne papire FBiH broj: 01-02-1428/09 od 22.04.2009.

Na osnovu člana 48. stav 1. tačka 20. i član 83. Stav 2. Statuta Raiffeisen INVEST Društvo za upravljanje fondovima d.o.o. Sarajevo, Nadzorni Odbor Raiffeisen INVEST Društvo za upravljanje fondovima d.o.o. Sarajevo (u daljem tekstu: Društvo) na četvrtoj sjednici održanoj dana 11.09.2012. donosi sljedeću:

## ODLUKU

### O EMISIJI PUTEM JAVNE PONUDE UDJELA

#### RAIFFEISEN BALANCE OTVORENI INVESTICIJSKI FOND SA JAVNOM PONUDOM

##### Član 1.

Ovom Odlukom donosi se odluka o emisiji putem javne ponude udjela Raiffeisen BALANCE otvorenog investicijskog fonda sa javnom ponudom (u daljem tekstu: Fond). Sastavni dio ove Odluke je tekst Prospekta i Statuta Fonda.

##### Član 2.

Odlukom o emisiji putem javne ponude udjela Fonda utvrđuju se sljedeći elementi:

- Puni naziv i adresa emitenta:**  
Raiffeisen BALANCE otvoreni investicijski fond sa javnom ponudom, Sarajevo, Zmaja od Bosne bb;
- Naziv organa koji je donio Odluku o osnivanju Fonda:** Nadzorni odbor Raiffeisen INVEST Društvo za upravljanje fondovima d.o.o. Sarajevo;
- Datum usvajanja Odluke o emisiji:** 11.09.2012.;
- Ciljevi investiranja, način korištenja sredstava koja će se pribaviti emisijom i očekivani efekti investiranja:**  
Investicijski cilj Fonda je ostvarivanje visokih prinosa na duži rok kroz ulaganje imovine Fonda pretežno u obveznice i dionice inostranih izdavaatelja. S obzirom na investicijski cilj Raiffeisen BALANCE, otvoreni investicijski fond s javnom ponudom je mješoviti fond koji investira svoju imovinu u različite klase imovine, s tim da udio pojedine klase imovine ne smije prelaziti 60% neto imovine Fonda.
- Vrsta emisije:** Emisija putem otvorene javne ponude;
- Redni broj emisije, oznaku vrste i klase vrijednosnih papira:** Prva inicijalna emisija putem

javne ponude udjela otvorenog investicijskog fonda u skladu sa Zakonom o investicijskim fondovima. U slučaju uspješne javne ponude za prodaju udjela, emitovanim udjelima se dodjeljuju oznaka i broj prema Pravilniku o registru udjela;

**g) Broj i nominalna vrijednost vrijednosnih papira kao i ukupna vrijednost emisije:** Minimalna vrijednost prikupljenih sredstava iznosi 1.000.000 KM; Početna vrijednost udjela iznosi 100,00 KM. U trenutku dostizanja cenzusa podnosi se zahtjev Komisiji za vrijednosne papire FBiH za registraciju Fonda;

**h) Prava i ograničenja prava sadržanih u vrijednosnim papirima:** Udjeli se smatraju vrijednosnim papirima i slobodno su prenosivi. Prava iz udjela u Fondu stiču se upisom u registar udjela koje vodi Društvo i obuhvataju:

- pravo na obavještenost (polugodišnji i godišnji izvještaji),
- pravo na udio u dobiti Fonda,
- pravo na prodaju udjela Fondu, odnosno obaveza otkupa udjela od strane Društva,
- pravo na isplatu dijela ostatka likvidacione odnosno stečajne mase Fonda.

Prethodno naznačena prava iz udjela u Fondu vlasnici udjela ostvaruju u skladu sa Zakonom o investicijskim fondovima, podzakonskim aktima, Prospektom i Statutom Fonda;

**i) Prodajna cijena ili način njenog utvrđivanja:** Prodajna cijena putem javne ponude udjela jednaka je početnoj vrijednosti udjela od 100,00 KM; Minimalan iznos prve uplate investitora prilikom kupovine udjela u Fond iznosi 500,00 KM, a svaka naredna uplata iznosi minimalno 100,00 KM. Minimalna uplata u Fond prilikom ulaganja koje predstavlja investicijski plan (čime se podrazumi-

jevaju ugovorene periodične uplate u Fond) je 50,00 KM.

- Banka depozitar emisije:** Volksbank BH dd  
**Banka depozitar Fonda:** Volksbank BH dd
- Vrijeme početka i završetka uplate i popis mjesta za uplatu:** Početak inicijalne javne ponude je 15.10.2012. odnosno maksimalno sedam dana od dana odobrenja emisije od strane Komisije za vrijednosne papire FBiH, a trajanje inicijalne ponude je do i uključujući 31.12.2012. Uplata udjela se vrši na račun Fonda koji će Društvo otvoriti kod banke depozitara Fonda. Uz uplatu udjela potrebno je popuniti zahtjev za kupovinu udjela u sjedištu Društva na adresi u Sarajevu, Zmaja od Bosne bb ili kod prodajnog zastupnika, u svim poslovnicama Raiffeisen BANK d.d. Bosna i Hercegovina u FBiH. Društvo vrši identifikaciju investitora i prijem obavezne dokumentacije u skladu sa Zakonom o sprječavanju pranja novca i finansiranja terorističkih aktivnosti BiH i drugim propisima koji definišu ovu oblast;
- Izvod o stanju udjela:** Izvod o stanju udjela stečenih u toku javne ponude dostavit će se ulagačima po izdavanju Rješenja Komisije za vrijednosne papire FBiH o uspješnosti javne ponude. Registracija udjela će se izvršiti u skladu sa Pravilnikom o registru udjela propisanim od Komisije za vrijednosne papire FBiH, broj: 01-02-1428/09 od 22.4.2009. godine;
- Kriterij uspješnosti emisije:** Emisija javnom ponudom za kupovinu udjela smatra se uspješnom, ako je do završetka uplate tj. do 31.12.2012., uplaćen iznos od minimalno 1.000.000 KM. Emisija javnom ponudom može biti okončana uspješno i prije isteka roka za uplatu ukoliko je prikupljen

iznos od minimalno 1.000.000 KM prije isteka objavljeno roka;

- Naznaka o zadržanom pravu emitenta na odustajanje od javne ponude udjela prije isteka utvrđenog roka za uplatu, uz naznaku razloga na osnovu kojih može odustati:** Društvo može odustati od emisije u slučajevima određenim Zakonom o tržištu vrijednosnih papira (Sl. novine FBiH 85/08) iz člana 26. stav 1. o čemu donosi posebnu odluku, koja pored razloga odustanka obavezno sadrži odredbe o načinu i roku povrata izvršenih uplata koji ne može biti duži od deset dana od dana donošenja odluke;
- Ime, prezime i funkciju ovlaštenih lica emitenta za provođenje emisije:** Lejla Baljević Ramović, direktor Društva i Alma Sarić, izvršni direktor Društva.

##### Član 3.

Ovlašćuje se Uprava Društva da u postupku odobravanja javne emisije iz člana 1. ove Odluke od strane Komisije za vrijednosne papire FBiH izvrši izmjene i dopune ove Odluke u skladu sa eventualnim zahtjevima Komisije za vrijednosne papire FBiH.

##### Član 4.

Ova Odluka stupa na snagu danom donošenja.

PREDSJEDNIK  
NADZORNOG ODBORA  
Karlheinz Dohnigg

Broj: 673/12  
Datum: 11.09.2012.

## Raiffeisen BALANCE otvoreni investicijski fond sa javnom ponudom

### PROSPEKT

#### PROSPEKT

Ovaj prospekt otvorenog investicijskog fonda sa javnom ponudom predstavlja javni poziv za kupovinu udjela u Raiffeisen BALANCE otvoreni investicijski fond sa javnom ponudom (u daljem tekstu: Fond). Prospekt sadrži neophodne informacije na osnovu kojih će investitori imati potpuni stav o Fondu, te donijeti odluku o ulaganju uzimajući u obzir prateće rizike ulaganja.

Prije donošenja odluke o ulaganju, potencijalni investitori se pozivaju da detaljno pročitaju Prospekt i Statut Fonda kako bi se informisali o mogućnostima i rizicima ulaganja.

#### PREGLED SKRAĆENIH POJMOVA

Društvo: Raiffeisen INVEST Društvo za upravljanje fondovima d.o.o. Sarajevo

Fond: Raiffeisen BALANCE otvoreni investicijski fond sa javnom ponudom  
Komisija: Komisija za vrijednosne papire FBiH  
Registar: Registar vrijednosnih papira u FBiH  
Depozitar: Banka koja obavlja poslove depozitara za Fond  
Zakon: Zakon o investicijskim fondovima ("Službene novine FBiH broj 85/08")  
Prospekt: Prospekt Raiffeisen BALANCE otvorenog investicijskog fonda sa javnom ponudom  
Statut: Statut Raiffeisen BALANCE otvorenog investicijskog fonda sa javnom ponudom  
Investitor: Vlasnik udjela Raiffeisen BALANCE otvorenog investicijskog fonda sa javnom ponudom

#### OTVORENI INVESTICIJSKI FOND SA JAVNOM PONUDOM

Otvoreni investicijski fond sa javnom ponudom je zasebna imovina bez svojstva pravnog lica koju, uz dozvolu Komisije za vrijednosne papire FBiH (dalje u tekstu: Komisija), osniva društvo za upravljanje sa ciljem prikupljanja novčanih sredstava javnom ponudom udjela u fondu, čija se sredstva ulažu u skladu sa odredbama Zakona o investicijskim fondovima i čiji vlasnici udjela imaju pravo, pored prava na srazmjerni udio u dobiti fonda, u svako doba zahtijevati isplatu udjela i na taj način istupiti iz fonda. Udjeli se smatraju vrijednosnim papirima i slobodno su prenosivi. Sredstva otvorenog investicijskog fonda sa javnom ponudom prikupljena izdavanjem i javnom prodajom udjela u fondu, te imovina stečena ulaga-

njem uplaćenih novčanih sredstava, uključujući prihode i prava proizašla iz imovine fonda, čine otvoreni investicijski fond sa javnom ponudom, odnosno zasebnu imovinu u zajedničkom vlasništvu svih vlasnika udjela u fondu.

Rad investicijskih fondova i društava za upravljanje investicijskim fondovima u FBiH reguliran je Zakonom o investicijskim fondovima kao i drugim podzakonskim propisima donesenim po osnovu zakonskih akata, a njihovo je osnivanje i poslovanje pod nadzorom Komisije.

#### RAIFFEISEN BALANCE – OTVORENI INVESTICIJSKI FOND SA JAVNOM PONUDOM

Raiffeisen BALANCE otvoreni investicijski fond sa javnom ponudom osniva i njime upravlja Raiffeisen

*INVEST* Društvo za upravljanje fondovima d.o.o. Sarajevo (dalje u tekstu: Društvo) s isključivim ciljem prikupljanja novčanih sredstava javnom ponudom investitorima. Osnivač i jedini vlasnik Društva je Raiffeisen *BANK* d.d. Bosna i Hercegovina.

Naziv Fonda je Raiffeisen *BALANCE* otvoreni investicijski fond s javnom ponudom. Fond se osniva odlukom Nadzornog odbora Društva dana 11.09.2012. godine na neodređeno vrijeme i može prestati poslovati samo u slučajevima i na način određen Zakonom, Statutom i Prospektom Fonda. Rješenjem Komisije br. 05/3–19-261/12, od 27.09.2012. godine izdata je dozvola za osnivanje Fonda.

**Investicijski cilj i ciljna struktura ulaganja Fonda**
Investicijski cilj Fonda je ostvarivanje visokih prinosa na duži rok kroz ulaganje imovine Fonda pretežno u obveznice i dionice inostranih izdatavatelja. S obzirom na investicijski cilj Raiffeisen *BALANCE*, otvoreni investicijski fond s javnom ponudom je mješoviti fond koji investira svoju imovinu u različite klase imovine, s tim da udio pojedine klase imovine ne smije prelaziti 60% neto imovine Fonda.

**Dozvoljena ulaganja i ograničenja ulaganja**
Imovina Fonda ulaže se u sljedeće instrumente:

- obveznice, instrumente tržišta novca, te investicijske fondove koji pretežno ulazu u finansijske instrumente s fiksnim prinosom, u Bosni i Hercegovini (FBiH i RS), u drugim zemljama članicama CEFTA-e, državama članicama Evropske unije (države članice), te drugim zemljama članicama OECD-a, do 60% neto imovine Fonda
- dionice i prava na dionice, te investicijske fondove koji pretežno ulazu u dionice u Bosni i Hercegovini, u drugim zemljama članicama CEFTA-e, državama članicama, te drugim zemljama članicama OECD-a, do 60% neto imovine Fonda
- investicijske fondove u Bosni i Hercegovini, u drugim zemljama članicama CEFTA-e, državama članicama, te drugim zemljama članicama OECD-a, do 30% neto imovine Fonda
- depozite u finansijskim institucijama i novac na računima Fonda, do 30% neto imovine Fonda
- repo ugovore o prodaji i ponovnoj kupovini s gore navedenim instrumentima, do 30% neto imovine Fonda

Fond može ulagati više od 35% neto imovine Fonda u finansijske instrumente čiji je izdatvatelj država BiH i entiteti FBiH i Republika Srpska, druge zemlje članice CEFTA-e i bilo koja država članica Evropske unije. Prilikom ulaganja u udjele investicijskih fondova Društo će voditi računa da nivo zaštite investitora i obaveza izvještavanja i informiranja investitora u takve fondove bude najmanje jednaka zahtjevima propisanim Zakonom, naročito u pogledu ograničenja ulaganja, te da su takvi investicijski fondovi ovlašteni od Komisije ili odgovarajućih nadležnih organa u državi članici ili državi koja nije članica Evropske unije, te da je prospektom ili statutom fonda u čije se udjele ulaže predviđeno da najviše 10% imovine fonda može biti uloženo u dionice ili udjele drugih fondova. Ukoliko se imovina Fonda ulaže u udjele investicijskih fondova naknada za upravljanje koja se naplaćuje na teret imovine tih fondova ne smije biti veća od 3,5% godišnje. Ukoliko se imovina Fonda ulaže u udjele investicijskih fondova kojima direktno ili indirektno upravlja isto društvo za upravljanje, ili kojima upravlja drugo društvo s kojim je to društvo povezano zajedničkom upravom ili vladajućim uticajem, ili direktnim ili neizravnim međusobnim vlasničkim udjelom na takva se ulaganja Fondu ne smije naplatiti ulazna ili izlazna naknada.

Ulaganje u termenske i opsijske ugovore, prenosive vrijednosne papire i instrumente tržišta novca sa ugrađenim izvedenicama i druge finansijske izvedenice može se koristiti u svrhu zaštite imovine Fonda i u svrhu postizanja investicijskih ciljeva Fonda, odnosno povećanja prinosa i smanjenja troškova Fonda. Korštenjem finansijskih izvedenica neće se mijenjati investicijska strategija, niti povećavati izloženost rizicima iznad onih definisanih ovim Prospektom, Statutom Fonda i Zakonom. Ukupna izloženost Fonda prema finansijskim izvedenicama ni u kom slučaju ne smije biti veća od neto vrijednosti imovine Fonda. Društvo će investirati imovinu Fonda u vrijednosne papire i na tržišta na kojima će, prema procjeni Društva, ostvariti najbolji prinos, pri čemu će se pored navedenih ograničenja ulaganja utvrđenih Prospektom, pridržavati i ograničenja ulaganja utvrđenih Zakonom i podzakonskim aktima. U slučaju prekoračenja ograničenja ulaganja koja su posljedica kretanja cijena na tržištu, Društvo nastojeći sačuvati interese investitora, dužno je uskladiti ulaganje Fonda u razumnom vremenskom periodu, nastojeći pri tome eventualni gubitak svesti na najmanju moguću mjeru. Društvo će nastojati da u roku od 6 mjeseci od dana stupanja na snagu ovog prospekta strukturira portfolio Fonda prema odrednicama Zakona i Prospekta.

**Profil investitora kome je Fond namijenjen**
Fond je namijenjen fizičkim i pravnim osobama kojima odgovara investicijski cilj Fonda, koji ulazu dugoročno, važna im je svakodobna unovčivost uloga, a u cilju ostvarivanja većeg prinosa spremni su prihvatiti viši rizik ulaganja.

**Javna ponuda za kupovinu udjela Fonda**
Najniži iznos prikupljenog kapitala nakon kojeg se javna ponuda za kupovinu udjela smatra uspješnom iznosi 1.000.000 KM.

Javna ponuda za kupovinu udjela Fonda počinje 15.10.2012. godine i traje do i uključujući 31.12.2012. U toku trajanja perioda inicijalne ponude, ukupan iznos uplaćenih novčanih sredstava drži se kao depozit na računu Fonda. Društvo može raspolagati sredstvima Fonda na osnovu dobijenog rješenja Komisije za vrijednosne papire FBiH kojim se izdaje dozvola za upravljanje Fondom.

U slučaju da inicijalna ponuda ne uspije, Depozitar će investitorima vratiti uplaćena novčana sredstva najkasnije u roku od 15 dana od dana dobijanja rješenja od Komisije kojim se utvrđuje neuspjeh javne ponude. Investitorima se na uplate i isplate zbog nepostizanja Zakonom propisanog najnižeg iznosa Fonda ne naplaćuje ulazna, odnosno izlazna naknada.

Društvo zadržava pravo da skрати period trajanja inicijalne javne ponude i prije isteka navedenog roka, kad se na osnovu izvještaja Depozitara ustanovi da su na račun Fonda pristigle uplate najmanje u neto visini 1.000.000,00 KM uz poštovanje Zakona.

**Vrijednost ulaganja**

Minimalan iznos prve uplate investitora prilikom kupovine udjela u Fond iznosi 500,00 KM, a svaka naredna uplata iznosi minimalno 100,00 KM. Minimalna uplata u Fond prilikom ulaganja koje predstavlja investicijski plan (čime se podrazumijevaju ugovorene periodične uplate) u Fond je 50,00 KM. Početna vrijednost udjela u Fondu iznosi 100,00 KM. Iznos pojedinačne isplate po osnovu otkupa udjela Fonda ne može biti niži od 100,00 KM. Ukoliko je vrijednost ukupnog stanja na račun u investitora manja od 100,00 KM, investitoru se isplaćuje otkupna vrijednosti svih udjela na račun u investitora.

**Određivanje vrijednosti imovine Fonda i cijene udjela**

Vrijednost imovine i obaveza Fonda, te cijene udjela utvrđuje Društvo u skladu sa Međunarodnim računovodstvenim standardima i propisima Komisije koji reguliraju utvrđivanje vrijednosti imovine investicijskog fonda i izračun neto vrijednosti imovine po udjelu investicijskog fonda.

Vrijednost neto imovine Fonda i cijene udjela u Fondu izračunava se svakog radnog dana za prethodni radni dan najkasnije do 16.00 sati, a na temelju vrijednosti finansijskih instrumenta uz odbitak obaveza i troškova Fonda. Društvo u skladu s važećim propisima i Međunarodnim računovodstvenim standardima procjenjuje i utvrđuje vrijednost finansijskih instrumenata koji nisu uvršteni za prodaju na berzi, odnosno onih za koje ne postoje relevantne tržišne cijene. Vrijednost imovine otvorenog investicijskog fonda sa javnom ponudom ne može pasti ispod 1.000.000,00 KM tokom tri uzastopna kalendarska mjeseca, a ako se to desi Fond mora biti likvidiran ili pripojen nekom drugom fondu.

Vrijednost udjela izračunava i utvrđuje Društvo. Cijena udjela u otvorenom investicijskom fondu se izračunava kao neto vrijednost imovine fonda podijeljena brojem izdatih udjela. Broj izdatih udjela jednak je broju udjela u trenutku izračuna cijene, uzevši u obzir prodaju i otkupe izvršene od trenutka zadnjeg izračuna cijene do trenutka izračuna nove cijene. Cijena udjela u Fondu nominirana je u KM i iskazuje se zaokružena na četiri decimala.

Informacije o cijeni udjela po svakom njenom izračunu dostupne su svim investitorima na web stranici Društva, te se mogu zatražiti i lično, putem pošte ili elektronskim putem na adresu Društva.

Izračun vrijednosti imovine Fonda, te cijenu udjela u Fondu nadzire i potvrđuje banka depozitar koja je odgovorna za tačnost izračuna u okviru svojih zakonskih nadležnosti.

**Kupovina udjela u Fondu**

Kupovina udjela Fonda obavlja se isključivo uplatama novčanih sredstava na račun Fonda kod banke depozitara Volksbank BH dd 1401010025990213 i predajom pisanog Zahtjeva za kupovinu udjela čime investitor ulazi u ugovorni odnos s Društvom, koje se obavezuje da će uplaćenim novčanim sredstvima upravljati kao dijelom zajedničke imovine u skladu sa uslovima navedenim u Prospektu i Statutu Fonda. Nerezidenti – strana fizička i pravna lica mogu vršiti uplate na račun Fonda po instrukciji dostupnoj na web stranici Društva.

Svaki zainteresirani investitor može kupiti udjele u Fondu uplatom novčanih sredstava na račun Fonda uz dostavljen Zahtjev za kupovinu udjela, nakon čega stiče udio u Fondu. Zahtjev za kupovinu udjela je dostupan u sjedištu Društva, na web stranici Društva i kod ovlaštenih zastupnika za prodaju udjela Fonda (detaľjni pregled ovlaštenih prodajnih mjesta dostupan na web stranici Društva). Zahtjev za kupovinu udjela u Fondu investitor dostavlja Društvu ili ovlaštenim zastupnicima za prodaju udjela Fonda. Društvo zadržava pravo odbiti svaki zahtjev odnosno uplatu u Fond ukoliko isti nisu u skladu s uslovima propisanim prospektom pojedinog fonda, Zakonom o investicijskim fondovima, Zakonom o sprečavanju pranja novca i finansiranja terorističkih aktivnosti u BiH i drugim propisima koji definišu ovu oblast. Kupovina udjela u Fondu obavlja se po cijeni udjela koja vrijedi na dan uplate. Danom uplate smatra se dan priliva novčanih sredstava.

Prije kupovine udjela u Fondu investitoru će biti dostupan Statut i Prospekt Fonda, te će mu se po zahtjevu dati na uvid posljednji godišnji i polugodišnji finansijski izvještaj Fonda. Broj kupljenih udjela računa

se na četiri decimalna mjesta. Udjeli Fonda mogu se kupiti putem jednokratnih ili višekratnih uplata.

Zahtjev koji je zaprimljen u neradne dane smatrat će se zaprimljenim prvog radnog dana koji slijedi danu zaprimanja zahtjeva. Svi zahtjevi za uplatu udjela zaprimljeni u istom radnom danu, glede obraćuna i naplate naknade, smatraju se jednom uplatom. Ukoliko je Zahtjev za kupovinu udjela zaprimljen, a uplata nije izvršena u roku od pet radnih dana od dana prijema Zahtjeva, isti će se smatrati nevažećim. Ukoliko je uplata izvršena, a Zahtjev nije zaprimljen u roku od pet radnih dana, uplata će se smatrati nevažećom i biće vraćena na račun klijenta pri čemu klijent snosi sve troškove prenosa novčanih sredstava.

**Prodaja udjela u Fondu**

Vlasnik udjela u Fondu može u svakom trenutku zahtijevati prodaju svojih udjela u potpunosti ili djelimično u skladu sa uslovima navedenim u Prospektu i Statutu Fonda. Zahtjev za potpunu ili djelimičnu prodaju udjela vlasnik udjela može podnijeti u toku radnog vremena. Zahtjev za prodaju udjela je dostupan u sjedištu Društva, na web stranici Društva i kod ovlaštenh zastupnika za prodaju udjela Fonda (detaľjni pregled ovlaštenih prodajnih mjesta dostupan na web stranici Društva). Zahtjev za prodaju udjela u Fondu investitor dostavlja Društvu ili ovlaštenim zastupnicima za prodaju udjela Fonda. Prilikom predaje zahtjeva za prodaju važeće je stanje udjela zabilježeno u registru udjela Fonda koje vodi Društvo.

Prodaja odnosno otkup udjela Fonda obavlja se po cijeni udjela koja vrijedi na dan zaprimanja pisanog zahtjeva za prodaju. U roku od najviše 7 dana od dana prijema pisanog Zahtjeva i druge potrebne dokumentacije za prodaju udjela investitoru će biti isplaćena ukupna prodajna cijena udjela utvrđena na dan prijema zahtjeva, umanjena za iznos izlazne naknade obraćunate u skladu sa odredbama Prospekta i Statuta Fonda, ukoliko ista postoji.

Zahtjev koji je zaprimljen u neradne dane smatrat će se zaprimljenim prvog radnog dana koji slijedi danu zaprimanja zahtjeva.

Isplata se obavlja na račun vlasnika udjela, podnosioca zahtjeva za prodaju. Broj prodanih udjela računa se na četiri decimalna mjesta. U slučaju da realizacijom zahtjeva za djelimičnu prodaju preostala vrijednost udjela investitora bude ispod propisane minimalne uplate u Fondu, smatrat će se da je investitor dao zahtjev za prodaju svih svojih udjela u Fondu. Svi zahtjevi za isplatu udjela zaprimljeni u istom radnom danu, glede obraćuna i naplate naknade, smatraju se jednom isplatom.

Prodaja udjela od strane vlasnika udjela, odnosno reotkup udjela od strane Društva, u smislu utvrđivanja trajanja ulaganja, a vezano uz obračun izlaznih naknada, obavlja se onim redosljedom kojim su udjeli sticani, tj. po principu FIFO metode (udjeli koji su prvi kupljeni, prvi se i prodaju).

**Zamjena udjela u Fondu**

Investitor može svoje udjele u Fondu zamijeniti sticanjem udjela u nekom drugom fondu kojim upravlja Društvo. Zamjenu udjela Investitor obavlja na način da podnosi zahtjev za prodaju i kupovinu udjela navodeći pri tome broj udjela odnosno vrijednost udjela koji se zamjenom želi prenijeti u drugi fond. Zamjenom udjela smatra se prodaja udjela u Fondu iz kojeg se sredstva prenose te kupovina udjela u fondu u koji se sredstva prenose. Prilikom zamjene udjela primjenjuju se Prospektom propisani uslovi koji vrijede i za pojedinačne transakcije kupovine, odnosno prodaje udjela. Prilikom prodaje i kupovine udjela nastalih u okviru zamjene udjela, naplaćuju se, ukoliko postoje, ulazne i izlazne naknade u skladu sa prospektima predmetnih fondova.

Ukoliko Investitor prilikom zamjene udjela na zahtjevu za prodaju i kupovinu udjela, navede broj udjela veći od broja udjela koje posjeduje i koji su slobodno raspoloživi u trenutku zaprimanja zahtjeva, ili iznos za isplatu odnosno zamjenu udjela nakon odbitka izlazne naknade bude manji od ciljanog iznosa za isplatu navedenog na zahtjevu za prodaju udjela, odnosno prilikom zamjene na zahtjevu za prodaju i kupovinu udjela, smatrat će se da je Investitor podnio zahtjev za prodaju svih svojih slobodno raspoloživih udjela.

**Prenos udjela u Fondu**

Vlasnik udjela u otvorenom investicijskom fondu ima pravo prenijeti svoje udjele na drugo lice, pod uslovom da je prethodno ispunio obrazac o prenosu koji je odobrilo Društvo, pri čemu takav prenos proizvodi pravna dejstva prema trećim licima tek po njegovom upisu u registar udjela koje vodi Društvo i nakon što ono potvrdi da ga prihvata. Obrazac o prenosu vlasništva nad udjelima, ovjeren kod notara, koji odobrava Društvo, potpisuju i prenositelj i primatelj prenosa, te ga dostavljaju Društvu. Prenos vlasništva može biti odbijen zbog razloga navedenih u članu 174. Zakona.

**Prava iz udjela u Fondu**

Prava iz udjela u Fondu stiču se upisom u registar udjela koje vodi Društvo i obuhvataju:

- prava iz udjela u Fondu koja se stiču upisom u registar udjela koje vodi Društvo,
- pravo na obaviještenost (polugodišnji i godišnji izvještaji),
- pravo na udio u dobiti Fonda,
- pravo na prodaju udjela u Fondu, odnosno obavezno otkupa udjela od strane Društva,

- pravo na isplatu dijela ostatka likvidacione odnosno stečajne mase Fonda.

**Obavijesti investitorima**

Društvo će u skladu sa odredbama Zakona i drugim mjerodavnim propisima izrađivati polugodišnje i revidirane godišnje izvještaje o poslovanju Fonda te ih dostavljati Komisiji u okviru propisanih rokova. Pored navedenog, Društvo će Komisiji dostavljati i druge izvještaje u skladu sa Zakonom i podzakonskim aktima.

Polugodišnji i revidirani godišnji finansijski izvještaji su dostupni investitorima isključivo na njihov pismeni zahtjev. Prospekt i Statut Fonda kao i dodatne informacije o Fondu dostupni su u sjedištu Društva kao i prodajnim mjestima ovlaštenim za prodaju udjela Fonda, svakim radnim danom u toku radnog vremena kao i na internet stranici Društva.

Društvo će cijenu udjela u Fondu staviti javnosti na raspolaganje na web stranici Društva po svakom njezinom izračunu u skladu sa Zakonom. Društvo će vlasnike udjela u Fondu, na njihov zahtjev, obavijestiti o cijeni udjela u Fondu.

Društvo izdaje i u pismenoj formi dostavlja vlasnicima udjela Fonda izvod o stanju i prometu udjela u Fondu u njihovom vlasništvu najmanje jednom godišnje. Društvo je obavezno izdati izvod nakon registracije i svake promjene udjela u roku od osam dana od dana registracije, odnosno na pismeno podneseni zahtjev za izdavanje izvoda vlasnika udjela Fonda u roku od tri radna dana od dana podnesenog zahtjeva. Troškove izdavanja i dostavljanja izvoda snosi Društvo, odnosno vlasnik udjela u slučaju podnošenja zahtjeva za izdavanje izvoda.

**Raspolaganje s dobiti Fonda**

Dobit Fonda utvrđuje se finansijskim izvještajima i u cijelosti pripada vlasnicima udjela u Fondu. Cjelokupna se dobit reinvestira u Fond. Dobit Fonda sadržana je u cijeni jednog udjela, a vlasnici udjela realiziraju dobit na način da djelimično ili u potpunosti prodaju svoje udjele u Fondu u skladu sa odredbama ovog Prospekta.

**Poslovna godina Fonda**

Poslovnom godinom Fonda smatra se kalendarska godina koja počinje 1. januara i završava 31. decembra.

**Obustave izdavanja ili otkupa udjela**

Otkup udjela u Fondu može se obustaviti samo u slučaju ukoliko Društvo i banka depozitar smatraju da zbog iznimnih okolnosti nije moguće utvrditi tačnu cijenu imovine iz portfelja Fonda te da postoje osnovani i dovoljni razlozi za obustavu otkupa u interesu vlasnika ili potencijalnih vlasnika udjela u Fondu. U slučaju nastupanja navedenih okolnosti, Društvo je obavezno obustaviti i izdavanje udjela u Fondu. Obustavu otkupa i izdavanja udjela u Fondu Društvo će bez odgode prijaviti Komisiji. Pored navedenog, do privremene obustave otkupa i izdavanja udjela u Fondu može doći i temeljem naloga Komisije upućenog Društvu i banci depozitaru u slučaju da Komisija stekne nesporna saznanja ili ima opravdane osnove za sumnju da se investitorima nanosi šteta zbog netačnog izračuna cijene udjela u Fondu. Za vrijeme trajanja obustave otkupa i izdavanja udjela, Društvo može nastaviti sa zaprimanjem zahtjeva za otkup ili prodaju udjela, koji će se izvršiti u trenutku kada bude izračunata sljedeća ukupna i prodajna cijena, pri čemu se nalagodavci upozoravaju da njihovi nalozi neće biti izvršeni u rokovima predviđenim Prospektom i Statutom Fonda. Obustava otkupa i izdavanja udjela u Fondu prestat će nakon što Društvo i banka depozitar ocijene da je moguće odrediti tačnu cijenu imovine iz portfelja Fonda, a najkasnije u Zakonom propisanim rokovima.

Okolnost obustave otkupa udjela u Fondu, kao i obavijest o naknadnom nastavku poslovanja, Društvo će objaviti u jednim dnevnim novinama koje se izdaju na teritoriji FBiH.

**Likvidacija Fonda**

Društvo će pokrenuti postupak likvidacije Fonda u slučaju nastupa okolnosti predviđenih Zakonom, a posebno u sljedećim slučajevima:

- dobrovoljnog prestanka obavljanja djelatnosti osnivanja i upravljanja investicijskim fondovima, osim ukoliko upravljanje Fondom ne bude preneseno na drugo ovlašteno društvo za upravljanje,
- promjene banke depozitara ako, u za to Zakonom predviđenim rokovima, ugovor o pružanju usluge depozitara ne bude zaključen s drugim bankom,
- pada vrijednosti imovine Fonda ispod najniže vrijednosti imovine utvrđene odredbama ovog Prospekta.

Likvidaciju Fonda provodi Društvo, osim u slučajevima u kojima je Društvo u stečaju ili mu je Komisija privremeno ili trajno izgubila odobrenje za rad. U slučaju nemogućnosti provedbe likvidacije Fonda od strane Društva, likvidaciju provodi banka depozitar Fonda. Ukoliko je banka depozitar Fonda u stečaju ili je privremeno ili trajno izgubila odobrenje za rad, likvidaciju provodi ovlašteni likvidator Fonda imenovan od strane Komisije, bez odgode, pri čemu je Komisija dužna postupati s povećanom pažnjom i brinuti se o pravima i interesima vlasnika udjela u Fondu. Likvidator je dužan u roku od sedam dana od donošenja odluke o likvidaciji, odnosno od dana imenovanja likvidatorom Fonda o tome obavijestiti Komisiju i sve vlasnike udjela u Fondu.



Nakon donošenja odluke o likvidaciji, zabranjuje se svaka daljnja prodaja ili otkup udjela u Fondu, osim u slučaju zahtjeva zaprimljenih nakon utvrđivanja zadnje cijene, a prije donošenja odluke o likvidaciji, pri čemu se transakcije s imovinom Fonda mogu obavljati isključivo za potrebe njegove likvidacije. Od dana donošenja odluke o likvidaciji, Fondu se ne mogu naplaćivati nikakve naknade osim naknada banci depozitaru, troškova vezanih uz postupak likvidacije i njene revizije, te troškova sačinjavanja i podnošenja polugodišnjih ili revidiranih godišnjih izvještaja vlasnicima udjela u Fondu, nastalih tokom trajanja postupka likvidacije Fonda. U postupku provedbe likvidacije sva imovina Fonda se prodaje, a obaveze Fonda dospjele do dana donošenja odluke o likvidaciji se podmire. Preostala neto vrijednost imovine Fonda se raspodjeljuje vlasnicima udjela razmjerno njihovom udjelu u Fondu.

#### Pripajanje Fonda

Društvo može pokrenuti postupak pripajanja Fonda uz prethodnu saglasnost Komisije. Ovisno o povećanju odnosno smanjenju vrijednosti udjela fondova (pripojenih fondova i fonda preuzimatelja) koji učestvuju u pripajanju, svaki investitor će dobiti odgovarajući broj udjela u fondu preuzimatelju. Pripajanje se ne smatra ulaskom ili izlaskom iz Fonda te se investitorima ne naplaćuje ulazna odnosno izlazna naknada.

#### Troškovi i naknade

Na teret imovine Fonda mogu se isplaćivati samo naknade i troškovi predviđeni Prospektom Fonda. Troškovi upravljanja Fondom čine važan faktor pri odabiru Fonda, jer investitori snose troškove upravljanja Fondom na način da oni terete imovinu Fonda, a time i imovinu investitora, te u skladu s tim, vremenom mogu biti od uticaja na visinu prinosa Fonda. Imovini Fonda mogu se zaračunati sljedeće naknade i troškovi upravljanja:

#### Naknada za upravljanje

Fondu će se naplaćivati naknada za upravljanje uvećana za poreznu obavezu, ukoliko takva obaveza postoji. Naknada za upravljanje u iznosu od najviše 2,50% godišnje od neto vrijednosti imovine izračunava se svakodnevno jednostavnim kamatnim računom na osnovu dnevne neto vrijednosti imovine Fonda. Tako obračunata naknada kumulirano će se isplaćivati Društvu jednom mjesečno.

Društvo zadržava pravo kupcima udjela u Fondu odobriti djelimičan povrat naknade za upravljanje. Društvo zadržava pravo kupcima udjela u Fondu odobriti smanjenje naknade za upravljanje za maksimalno 30% o čemu Društvo može donijeti posebnu odluku. Društvo može donijeti odluku o promjeni visine naknade za upravljanje, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.

#### Ulazna naknada

Prilikom kupovine udjela u Fondu investitoru se obračunava i naplaćuje ulazna naknada u iznosu od 1% od iznosa uplate u Fond, uvećana za poreznu obavezu, ako takva obaveza postoji. Ulazna naknada se neće naplaćivati u toku trajanja Javne ponude. Društvo zadržava pravo kupcima udjela u Fondu odobriti smanjenje ili ukidanje ulazne naknade o čemu Društvo može donijeti posebnu odluku. Društvo može donijeti odluku o promjeni visine ulazne naknade, a u skladu sa Zakonom, o čemu je dužno obavijestiti Komisiju i tu informaciju objaviti najmanje u jednom dnevnom novinama, te izvršiti odgovarajuće izmjene u Prospektu Fonda.

#### Izlazna naknada

Prilikom prodaje dijela ili cjelokupnog iznosa udjela u Fondu, investitoru se obračunava i naplaćuje izlazna naknada, uvećana za poreznu obavezu, ako takva obaveza postoji, ovisno o trajanju ulaganja, a odbija se od neto vrijednosti imovine Fonda po udjelu u trenutku otkupa.

Izlazna naknada u iznosu od najviše 2% naplaćuje se na iznose povlačenja u slučaju ulaganja kraćih od jedne godine, izlazna naknada od najviše 1% naplaćuje se na iznose povlačenja u slučaju ulaganja kraćih od dvije godine. Za ulaganja duža od dvije godine izlazna naknada se ne naplaćuje.

Društvo zadržava pravo prodavcima udjela u Fondu odobriti smanjenje ili ukidanje izlazne naknade o čemu Društvo može donijeti posebnu odluku. Društvo može donijeti odluku o promjeni visine izlazne naknade, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.

#### Naknada za zamjenu udjela u jednom fondu sticanjem udjela u nekom drugom fondu kojim upravlja Društvo

Prilikom zamjene udjela u jednom fondu sticanjem udjela u nekom drugom fondu kojim upravlja Društvo, ne obračunava se naknada za prenos imovine između otvorenih fondova kojima upravlja Društvo. Društvo može donijeti odluku o promjeni visine naknade za zamjenu udjela u jednom fondu sticanjem udjela u nekom drugom fondu kojim upravlja Društvo, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.

#### Ostali troškovi

Troškovi koji se mogu knjižiti direktno na teret investitora ili Fonda i koji terete Fond u visini stvarno nastalih su:

- a) naknada i troškovi koji se plaćaju banci depozitaru,
- b) troškovi i provizije vezane uz sticanje ili prodaju imovine,
- c) troškovi vođenja registra udjela, uključujući troškove izdavanja potvrda o kupovini/otkupu ili sticnju udjela, ako je to potrebno, te troškove isplate udjela u dobiti,
- d) troškovi godišnje revizije,
- e) troškovi izrade, štampe i poštarine vezani uz polugodišnje i godišnje izvještaje vlasnicima udjela,
- f) sve propisane naknade koje se plaćaju Komisiji,
- g) porezi koje je Fond dužan platiti na svoju imovinu ili dobit,
- h) troškovi objave izmjena Prospekta i drugih propisanih obavijesti, i
- i) ostali troškovi određeni posebnim zakonima, Statutom i Prospektom Fonda.

Svi navedeni troškovi i naknade uticat će na prinos Fonda te će se oduzimati od vrijednosti imovine Fonda. Svim investitorima u Fond bit će prezentirani prinosi nakon svih prije navedenih troškova. Društvo za svaku poslovnu godinu izračunava i obavljuje pokazatelj ukupnih troškova u skladu sa odredbama Zakona. Pokazatelj ukupnih troškova Fonda ne smije prelaziti 3,5% godišnje neto vrijednosti imovine Fonda.

#### Porezni tretman Fonda i investitora

Imovina Fonda teretit će se za sve porezne obaveze koje se odnose na poslovanje otvorenih investicijskih fondova s javnom ponudom prema važećim poreznim propisima FBiH i BiH, uključujući porezne obaveze koje je Fond dužan podmiriti na svoju imovinu ili dobit, kao i za troškove regulisanja poreznih obaveza i zahtjeva za povrat navedenih poreza. Prema postojećim poreznim propisima u FBiH, imovina Fonda ne podliježe nikakvim poreznim opterećenjima. Investitorima se preporučuje individualna upućenost o mogućim poreznim posljedicama koje za njih mogu proizići iz osnovne vlasništva ili raspolaganja udjelima u Fondu s obzirom na mjerodavne domaće i strane porezne propise ili međunarodne ugovore s poreznim obilježjima ili posljedicama.

#### Osnovni rizici ulaganja u Fond

Ulaganje u Fond pretpostavlja preuzimanje određenih rizika. Općenito, rizik ulaganja na tržištu kapitala je vjerovatnost ili mogućnost da prinos od ulaganja bude nezadovoljavajući ili negativan. Pri donošenju odluka o ulaganju, Društvo će, uvažavajući načela profitabilnosti, likvidnosti, sigurnosti i disperzije rizika, svako pojedino ulaganje sagledati u okviru rizičnosti ukupne imovine Fonda. U slučaju Fonda, nezadovoljavajući ili negativan prinos može nastati kao posljedica sljedećih rizika:

1. Rizik promjene cijena finansijskih instrumenata (tržišni rizik),
2. Politički rizik zemalja u koje je uložena imovina Fonda,
3. Rizik promjene kursvea (valutni rizik),
4. Kreditni rizik,
5. Rizik promjene poreznih propisa,
6. Rizik svojstven prirodni Fonda, promjene neto vrijednosti Fonda i likvidnosti Fonda.

#### Rizik promjene cijena finansijskih instrumenata (tržišni rizik)

Imovina Fonda bit će, u skladu sa strategijom i ograničenjima ulaganja navedenim u ovom Prospektu i Statutu Fonda, uložena u finansijske instrumente kojima se trguje na finansijskim tržištima i njihova je cijena podložna dnevnim promjenama pod uticajem niza faktora. Pad tržišne cijene, odnosno vrijednosti pojedinog finansijskog instrumenta u koji je uložena imovina Fonda može dovesti do pada cijene udjela Fonda odnosno smanjenja prinosa na ulaganje.

#### Politički rizik zemalja u koje je uložena imovina Fonda

Imovina Fonda biti će uložena u finansijske instrumente na inostranim finansijskim tržištima u skladu sa navedenom strategijom ulaganja. Obzirom na načelnu mogućnost da eventualne političke krize u zemljama kojima pripadaju navedena finansijska tržišta mogu imati uticaj na vrijednost imovine Fonda, kao i uslijed toga što se za dio ciljanih tržišta može utvrditi da se tek razvijaju (kako s aspekta volumena trgovanja, tako i s aspekta institucionaliziranosti), Društvo će upravljati imovinom Fonda tako da se izloženost Fonda takvoj vrsti rizika svede na najmanju moguću mjeru.

#### Rizik promjene kursvea (valutni rizik)

Imovina Fonda može biti uložena u finansijske instrumente denominirane u različitim valutama, čime se tako uloženi dio imovine izlaže riziku promjene kursa pojedine valute u odnosu na konvertibilnu marku – obračunsku valutu u kojoj se mjeri prinos na ulaganje u Fondu.

#### Kreditni rizik

Kreditni rizik predstavlja vjerovatnost da emitent finansijskog instrumenta odnosno dužnik po finansijskom instrumentu koji je uključen u imovinu Fonda, ili osoba s kojom u svoje ime a za račun Fonda Društvo zaključi poslove na finansijskim tržištima, neće

biti u mogućnosti u cijelosti ili djelimično podmiriti svoje obaveze o dospjeću, što bi negativno uticalo na likvidnost i vrijednost imovine Fonda. Društvo će upravljati kreditnim rizikom ulažući sredstva na način opisan u strategiji ulaganja, strogo poštujući zadana ograničenja ulaganja u pojedine instrumente.

#### Rizik volatlnosti

S obzirom na vrste imovine u koje Fond ulaže, te s obzirom na sastav portfelja Fonda, odnosno na tehnike upravljanja imovinom Fonda, neto vrijednost imovine podložna je promjenama.

#### Rizik likvidnosti

Rizik likvidnosti predstavlja vjerovatnost nemogućnosti brze prodaje finansijske imovine Fonda po cijeni koja je približno jednaka fer vrijednosti imovine.

#### Rizik promjene poreznih propisa

Rizik promjene poreznih propisa predstavlja vjerovatnost da zakonodavne vlasti u FBiH/BiH ili inostranstvu promijene porezne propise na način koji bi negativno uticao na prinos Fonda odnosno profitabilnost ulaganja u Fond. Rizik promjena poreznih propisa u potpunosti je izvan domene uticaja Društva.

#### Izjava o investiranju

Društvo ne daje garanciju investitoru da će mu uložena sredstva u istom iznosu biti vraćena, odnosno da će se ulaganjem u Fond povećati. Ulaganje u Fond nije bankovni depozit i kao takav nije osiguran od strane Agencije za osiguranje depozita BiH niti od neke druge finansijske institucije. Društvo je Prospektom definisalo strategiju ulaganja pretežno na, obvezničkom i dioničkom tržištu i time kategorisalo Fond kao fond višeg rizika.

#### Volatlnost neto vrijednosti imovine Fonda

S obzirom na vrste imovine u koje Fond ulaže, te s obzirom na sastav portfelja Fonda, odnosno na tehnike upravljanjem imovinom Fonda, vrijednost imovine, odnosno cijena udjela Fonda može imati visoku volatlnost.

#### RAIFFEISEN INVEST DRUŠTVO ZA UPRAVLJANJE FONDOVIMA D.O.O. SARAJEVO

#### Pravni oblik

Raiffeisen *INVEST* Društvo za upravljanje fondovima d.o.o. Sarajevo je društvo s ograničenom odgovornošću za upravljanje investicijskim fondovima sa sjedištem u Sarajevu, Zmaja od Bosne bb. Osnivač i jedini (stopostotni) vlasnik je Raiffeisen *BANK* d.d. Bosna i Hercegovina sa sjedištem u Sarajevu, Zmaja od Bosne bb. Osnovni kapital Društva u iznosu od 645.423,90 KM u cijelosti je uplaćen u novcu. Društvo je osnovano Odlukom Skupštine Raiffeisen *BANK* d.d. Bosna i Hercegovina od 19.07.2011. godine, a upisano u sudski registar Općinskog suda u Sarajevu dana 21. septembra 2011. godine (MBS: 65-01-0754-11).

Djelatnost Društva je osnivanje i upravljanje investicijskim fondovima. Poslovanje Društva odobreno je Rješenjem Komisije za vrijednosne papire FBiH, br. 05/1-19-283-1/11 od 18.08.2011. Društvo odgovara samo za obavljanje djelatnosti upravljanja Fondom u skladu s odredbama Zakona o investicijskim fondovima i drugih mjerodavnih propisa, te Prospekta i Statuta Fonda. Društvo će upravljanje imovinom Fonda voditi s pažnjom savjesnog privrednika i dobrog stručnjaka, neovisno o Banci depozitaru i isključivo u interesu investitora u Fond, uvažavajući pri tom načela sigurnosti, profitabilnosti, likvidnosti i disperzije rizika. Osim navedenog, Društvo ne preuzima nikakvu dodatnu odgovornost za poslovanje Fonda. Posebno, niti Društvo, niti Raiffeisen *BANK* d.d. Bosna i Hercegovina, ne garantuju za dobit niti za povrat glavnice. Unutar ovlaštenja utvrđenih Zakonom o investicijskim fondovima, drugim mjerodavnim propisima i Prospektom i Statutom Fonda, Društvo će samostalno donositi poslovne odluke. Društvo ne odgovara za rezultate poslovanja Fonda koji su posljedica odluka Društva donesenih u skladu s naprijed navedenim propisima, te Prospektom i Statutom Fonda. Osim fondom Raiffeisen *BALANCE*, Društvo upravlja i fondom Raiffeisen *CASH* otvoreni investicijski fond s javnom ponudom.

#### Organi Društva

Organi Društva su Uprava, Nadzorni odbor i Skupština.

#### Uprava

**Lejla Baljević Ramović**, direktor Raiffeisen *INVEST* d.o.o. Sarajevo. Godine 2008. stekla je zvanje magistra ekonomskih nauka Ekonomskog Fakulteta u Sarajevu, te zvanje MBA kod Unverziteta u Delaware, SAD. Posjeduje dogodišnje iskustvo na tržištu kapitala BiH. Karijeru je započela u Vakufskoj banci dd Sarajevo i UNDP-u, a 2003. godine nastavlja karijeru na poziciji rukovodioca Odjela za trgovinu, analize i korporativno upravljanje Raiffeisen *BROKERS* doo Sarajevo i istu uspješno obavlja sve do 2009. kada preuzima funkciju direktora. Pripajanjem društva Raiffeisen *BROKERS* doo Sarajevo društvu Raiffeisen *BANK* d.d. Bosna i Hercegovina u maju 2011. godine, radni angažman nastavlja na poziciji rukovodioca Odjela tržišta kapitala. Od septembra 2011. godine preuzima poziciju direktora društva Raiffeisen

*INVEST* d.o.o. Sarajevo. Dodatnu edukaciju stekla je položivši ispit za investicijskog savjetnika.

**Alma Sarić**, izvršni direktor Raiffeisen *INVEST* d.o.o. Sarajevo. Magistar ekonomskih nauka, poslovna ekonomija Ekonomskog Fakulteta u Sarajevu. Tokom 2004. godine stiče zvanje certificiranog računovođe, a 2006. godine i licencu investicijskog savjetnika. Poslovnu karijeru započinje u Društvu za upravljanje fondovima Market Investment Group d.o.o. Sarajevo, nakon čega od 2005. godine karijeru nastavlja u odjelu Riznice Volksbank BH d.d. U istoj banci, vrši funkciju zamjenika vode Riznice do septembra 2011. godine kada preuzima poziciju izvršnog direktora društva Raiffeisen *INVEST* d.o.o. Sarajevo.

#### Nadzorni odbor

**Karlheinz Dobnigg**, zamjenik direktora Raiffeisen *BANK* d.d. Bosna i Hercegovina, odgovoran za Retail poslovanje, Riznicu, Finansijska tržišta i Investicijsko bankarstvo, član Uprave Raiffeisen *BANK* d.d. Bosna i Hercegovina, predsjednik Nadzornog odbora Raiffeisen *INVEST* d.o.o. Sarajevo. 1992. godine završio Academy of Economics Bruck/Mur, nakon čega uspješno završava i trogodišnji Trainee program u Bank Austria Creditanstalt. 2002. godine završava i Bank Austria Creditanstalt Cyber School. Prije preuzimanja pozicije člana Uprave Raiffeisen *BANK* d.d. Bosna i Hercegovina, radno iskustvo stekao je na rukovodećim pozicijama u Novoj Banjalučkoj banci, HVB Central Profit banci i Bank Austria Creditanstalt. Funkciju člana Uprave Raiffeisen *BANK* d.d. Bosna i Hercegovina vrši od marta 2008. godine. Također, obavlja funkciju člana Nadzornog odbora Raiffeisen Leasing doo Sarajevo i UNIQA Osiguranje dd Sarajevo.

**Michael Georg Mueller**, direktor, predsjedavajući Upravnog odbora Raiffeisen *BANK* d.d. Bosna i Hercegovina, Sarajevo, član Nadzornog odbora Raiffeisen *INVEST*. Doktorirao je na Pravnom fakultetu u Gracu (Austrija), 1984. godine. Nakon sticanja iskustva u industriji u Austriji, karijeru je nastavio u finansijskim institucijama sa početkom u ING Bank, Beč. Raiffeisen grupaciji se pridružio 1991. godine u kojoj i danas radi. 1991. – 1994., Raiffeisen Zentralbank Österreich A.G., Milano i Paris, šef Predstavništva; 1994. – 2001., Raiffeisenbank Austria d.d., Zagreb, član Uprave; 2000. imenovan za člana Nadzornog odbora Raiffeisen *BANK* d.d. Bosna i Hercegovina, 2001. imenovan za člana Uprave. Od marta 2007., obavlja funkciju generalnog direktora Raiffeisen *BANK* d.d. Bosna i Hercegovina. Od 2001. do 2005., učestvovao je u razvoju Raiffeisen Osiguranja dd Sarajevo kao predsjedavajući Nadzornog odbora.

**Reuf Sulejmanović**, direktor Riznice, finansijskih tržišta i investicijskog bankarstva, Raiffeisen *BANK* d.d. Bosna i Hercegovina, član Nadzornog odbora Raiffeisen *INVEST* d.o.o. Sarajevo. 2000. godine diplomirao na Ekonomskom fakultetu u Sarajevu. U peiriodu juli 2007. – septembar 2011. godine vršio funkciju rukovodioca upravljanja tržišnim i operativnim rizikom, Raiffeisen *BANK* d.d. Bosna i Hercegovina. Prethodno radno iskustvo stekao u Turkish Ziraat Bank Bosnia d.d. Sarajevo, Bank Austria Creditanstalt Representative Office, HVB Central Profit Banka i UniCredit Bank.

**Christa Maria Bernbacher**, direktor CEE Raiffeisen Kapitalanlage GmbH, član Nadzornog odbora Raiffeisen *INVEST* d.o.o. Sarajevo. Magistrirala je na univerzitetu Vienna University of Economics and Business u Beču 2001. godine. Do dolaska u Raiffeisen Kapitalanlage GmbH bila je između ostalog zaposlena u HSBC London, Pioneer Investments Austria te RBB Bank Vienna. Od septembra 2007. godine radi u Raiffeisen Kapitalanlage GmbH na poziciji direktora.

**Barbora Valkova**, vođa depozitnih proizvoda i proizvoda investicijskog bankarstva, Raiffeisen International Beč, član Nadzornog odbora Raiffeisen *INVEST* d.o.o. Sarajevo. Magistrirala na Ekonomskom fakultetu Sveučilišta u Ostrava, Republika Češka, 2000. godine. Od 2007. do 2011. godine vrši funkciju Head of Asset Management Company, Raiffeisen International Beč. Prije radnog angažmana u Raiffeisen International, dugogodišnje iskustvo stekla na rukovodećim pozicijama u Erste Bank.

#### Skupština

Skupštinu čini Raiffeisen *BANK* d.d. Bosna i Hercegovina kao jedini član Društva.

#### REVIZOR

Ovlašteni revizor Fonda je PKF Re Opinion d.o.o. Sarajevo, Grbavička 4/IV, Sarajevo.

#### BANKA DEPOZITAR

Banka depozitar je banka koja za potrebe Fonda obavlja poslove čuvanja zasebne imovine Fonda, poslove vođenja posebnih računa za imovinu Fonda i odjeljivanja imovine svakog pojedinog fonda od imovine ostalih fondova, te obavlja druge poslove u skladu sa odredbama Zakona i propisom Komisije. Banka Depozitar Fonda je Volksbank dd BH, PC UNITIC, Fra Andela Zvizdovića 1, Sarajevo, koja je ovlaštena rješenjem Komisije za vrijednosne papire FBiH 05/1-19-74/11 od 24.03.2011. godine. Pored čuvanja posebne imovine Fonda, vođenja posebnih računa za imovinu svakoga pojedinog fonda i odjeljivanja imovine svakog pojedinog fonda od imovine ostalih fondova, banka depozitar obavlja sljedeće poslove:



Sarajevo, 11.09.2012.  
Broj: 672-a/12

Predsjednik Nadzornog odbora  
Karlheinz Dobnigg



Uprava Društva  
Alma Sarić  
Izvršni direktor



Lejla Baljević Ramović  
Direktor



- osigurava da se prodaja i otkup udjela za račun Fonda obavljaju u skladu sa Zakonom i pravilima Fonda, ukoliko je to predviđeno Prospektom i Statutom Fonda,
- otkupljuje i isplaćuje udjele,
- vodi računa da je izračun neto vrijednosti pojedinog udjela u Fondu obavljen u skladu sa Zakonom, mjerodavnim propisima te Prospektom i Statutom Fonda,
- izvršava naloge društva za upravljanje u vezi s transakcijama vrijednosnim papirima i drugom imovinom koja čini portfolio Fonda, pod uslovom da nisu u suprotnosti sa Zakonom, propisima Komisije, Prospektom i/ili Statutom Fonda, te osigurava da transakcije vrijednosnim papirima budu namirene, odnosno da dospelja novčana potraživanja budu naplaćena u zakonskim ili ugovornim rokovima,

- naplaćuje sve prihode i druga prava dospjela u korist Fonda, a koja proizlaze iz njegove imovine,
- obezbjeđuje da se prihodi Fonda koriste u skladu sa Zakonom i Prospektom i/ili Statutom Fonda, te da su troškovi koje plaća Fond u skladu sa uslovima iz Prospekta i/ili Statuta Fonda, odredbama Zakona i drugih propisa,
- obavlja druge poslove koji su predviđeni ugovorom zaključenim sa društvom za upravljanje,
- vodi evidenciju poslovanja koje obavlja kao banka depozitar svakoga pojedinog fonda i redovno usklađuje s evidencijom društva za upravljanje,
- prijavljuje Komisiji kršenje ovog Zakona i ugovora od strane društva za upravljanje u slučaju da društvo za upravljanje odbije prihvatiti njen zahtjev za prestankom takvog kršenja,

- revizorima i drugim osobama ovlaštenim za obavljanje uvida, uključujući i Komisiju, omogućuje pristup podacima i računima vezanim uz Fond i njegovu imovinu.

**DATUM IZDAVANJA I STUPANJA NA SNAGU**  
Odobrenje Prospekta i svih njegovih izmjena i dopuna od strane Komisije za vrijednosne papire FBiH predstavlja uslov za valjanost i primjenu Prospekta Fonda. Ovaj Prospekt stupa na snagu danom odobrenja od strane Komisije za vrijednosne papire FBiH. Komisija za vrijednosne papire je odobrila ovaj Prospekt dana 27.09.2012. godine svojim Rješenjem broj 05/3-19-261/12.

## Raiffeisen *BALANCE* otvoreni investicijski fond sa javnom ponudom

# STATUT

### Uvodne odredbe

#### Član 1.

Odredbama ovog Statuta uređuju se uslovi i pravila poslovanja Raiffeisen *BALANCE* otvorenog investicijskog fonda s javnom ponudom (dalje u tekstu: Fond), te se uređuju pravni odnosi društva Raiffeisen *INVEST* Društvo za upravljanje fondovima d.o.o. Sarajevo (dalje u tekstu: Društvo) s vlasnicima udjela u Fondu (dalje u tekstu: Investitori). Ovaj Statut Fonda usvojio je Nadzorni odbor Društva 11.09.2012. godine. Ovaj Statut ne sadrži nužno potpune podatke i/ili informacije koji su navedeni u Prospektu Fonda, te se Investitorima i potencijalnim investitorima preporučuje da detaljno i u cijelosti pročitaju sadržaj Prospekta Fonda.

#### Član 2.

Statut Fonda prilaže se Prospektu i čini njegov sastavni dio. Iznimno, Statut ne mora biti priložen Prospektu Fonda u slučaju da Prospekt predviđa da će vlasniku udjela Statut biti dostavljen na njegov zahtjev, odnosno mjesto gdje će Statut Fonda biti dostupan na uvid.

### Osnovni podaci o Fondu

#### Član 3.

Naziv Fonda: Raiffeisen *BALANCE* otvoreni investicijski fond s javnom ponudom  
Skrraćeni naziv Fonda: OIF Raiffeisen *BALANCE*  
U inostranom poslovanju Fond posluje pod nazivom Fonda: Raiffeisen *BALANCE*.  
Sjedište Fonda: Sarajevo, Zmaja od Bosne bb.

#### Član 4.

Fond osniva i njime upravlja Raiffeisen *INVEST* Društvo za upravljanje fondovima d.o.o. Sarajevo, sa sjedištem u Sarajevu, Zmaja od Bosne bb. Poslovanje Društva odobreno je Rješenjem Komisije za vrijednosne papire FBiH, br. 05/1-19-283-1/11 od 18.08.2011. Fond se osniva odlukom Nadzornog odbora Društva dana 11.09.2012. na neodređeno vrijeme i može prestatati poslovanje samo u slučajevima i na način određen Zakonom, Statutom i Prospektom Fonda. Rješenjem Komisije br. 05/3-19-261/12, od 27.09.2012. godine izdata je dozvola za osnivanje Fonda.

### Dostupnost informacija

#### Član 5.

Uvid u godišnji i polugodišnji izvještaj o poslovanju, te primjerak Prospekta i Statuta Fonda kao i sve dodatne informacije o Fondu dostupne su u sjedištu Društva, kao i na prodajnim mjestima ovlaštenim za prodaju udjela Fonda (detajni pregled ovlaštenih prodajnih mjesta dostupan je na web stranici Društva), svakim radnim danom u toku radnog vremena, kao i na web stranici Društva.

### Prikupljanje sredstava Fonda i politika ulaganja

#### Član 6.

Novčana sredstva prikupljaju se izdavanjem udjela u Fondu javnom ponudom, te prodajom udjela svim zainteresiranim investitorima u skladu sa odredbama Zakona o investicijskim fondovima ("Službene Novine FBiH", br. 85/08 u daljnjem tekstu: "Zakon"), te Prospektom Fonda. Najniži iznos prikupljenog kapitala nakon kojeg se javna ponuda za kupovinu udjela smatra uspješnom iznosi 1.000.000 KM. Javna ponuda za kupovinu udjela Fonda počinje 15.10.2012. godine i traje do i uključujući 31.12.2012. U toku trajanja perioda inicijalne ponude, ukupan iznos uplaćenih novčanih sredstava drži se kao depozit na računu Fonda. Društvo može raspolagati sredstvima Fonda na osnovu dobijenog rješenja Komisije za vrijednosne papire FBiH kojim se izdaje dozvola za upravljanje Fondom. U slučaju da inicijalna ponuda ne uspije, Depozitar će investitorima vratiti uplaćena novčana sredstva naj-

kasnije u roku od 15 (petnaest) dana od dana dobijanja rješenja od Komisije kojim se utvrđuje neuspjeh javne ponude. Investitorima se na uplate i isplate zbog nepostizanja Zakonom propisanog najnižeg iznosa Fonda ne naplaćuje ulazna, odnosno izlazna naknada. Društvo zadržava pravo da skрати period trajanja inicijalne javne ponude i prije isteka navedenog roka, kad se na osnovu izvještaja Depozitara ustanovi da su na račun Fonda pristigle uplate najmanje u neto visini 1.000.000,00 KM uz poštovanje Zakona.

#### Član 7.

Sredstva Fonda ulagat će se na tržištima novca i kapitala, u skladu s odredbama Prospekta Fonda. Pri ulaganju sredstava Fonda Društvo će se pridržavati ograničenja utvrđenih Zakonom.

### Imovina i udjeli Fonda

#### Član 8.

Neto vrijednost imovine Fonda određuje se tako da se u skladu sa Zakonom i drugim važećim propisima prvo odredi vrijednost finansijskih instrumenata u koje je uložena imovina Fonda. Od vrijednosti imovine oduzima se vrijednost obaveza Fonda te, nakon toga, troškova koji se prema ovom Prospektu oduzimaju od imovine Fonda. Cijena udjela u Fondu se izračunava dijeljenjem neto vrijednosti imovine Fonda s brojem izdatih udjela. Broj izdatih udjela jednak je broju udjela u trenutku izračuna cijene, uzevši u obzir prodaju i otkupe izvršene od trenutka zadnjeg izračuna cijene do trenutka izračuna nove cijene. Vrijednost imovine Fonda tokom tri uzastopna kalendarska mjeseca ne smije pasti ispod 1.000.000,00 (jedan milion) KM. U slučaju da vrijednost imovine Fonda tokom tri uzastopna kalendarska mjeseca padne ispod prethodno naznačenog iznosa Fond mora biti likvidiran ili pripojen drugom fondu. Vrijednost imovine Fonda Društvo izračunava svakog radnog dana za prethodni dan, najkasnije do 16.00 sati. Vrijednost imovine Fonda se objavljuje svakodnevno na web stranici Društva.

#### Član 9.

Vrijeme utvrđivanja vrijednosti imovine Fonda, te uslovi izračuna i objave cijene udjela utvrđeni su Prospektom Fonda.

### Investicijski ciljevi, strategija i ograničenja ulaganja

#### Član 10.

Investicijski cilj Fonda je ostvarivanje visokih prinosa na duži rok kroz ulaganje imovine Fonda pretežno u obveznice i dionice inostranih izdavatelja. S obzirom na investicijski cilj Raiffeisen *BALANCE*, otvoreni investicijski fond s javnom ponudom je mješovit fond koji investira svoju imovinu u različite klase imovine, s tim da udio pojedine klase imovine ne smije prelaziti 60% neto imovine Fonda. Imovina Fonda ulaze se u sljedeće instrumente:

- obveznice, instrumente tržišta novca, te investicijske fondove koji pretežno ulazu u finansijske instrumente s fiksnim prinosom, u Bosni i Hercegovini (FBiH i RS), u drugim zemljama članicama CEFTA-e, državama članicama Evropske unije (države članice), te drugim zemljama članicama OECD-a, do 60% neto imovine Fonda
- dionice i prava na dionice, te investicijske fondove koji pretežno ulazu u dionice u Bosni i Hercegovini, u drugim zemljama članicama CEFTA-e, državama članicama, te drugim zemljama članicama OECD-a, do 60% neto imovine Fonda
- investicijske fondove u Bosni i Hercegovini, u drugim zemljama članicama CEFTA-e, državama članicama, te drugim zemljama članicama OECD-a, do 30% neto imovine Fonda
- depozite u finansijskim institucijama i novac na računima Fonda, do 30% neto imovine Fonda
- repo ugovore o prodaji i ponovnoj kupovini s gore navedenim instrumentima, do 30% neto imovine Fonda

Fond može ulagati više od 35% neto imovine Fonda u finansijske instrumente čiji je izdavatelj država BiH i entiteti FBiH i Republika Srpska, druge zemlje članice CEFTA-e i bilo koja država članica Evropske unije. Prilikom ulaganja u udjele investicijskih fondova Društvo će voditi računa da nivo zaštite investitora i obaveza izvještavanja i informiranja investitora u takve fondove bude najmanje jednaka zahtjevima propisanim Zakonom, naročito u pogledu ograničenja ulaganja, te da su takvi investicijski fondovi ovlašteni od Komisije ili odgovarajućih nadležnih organa u državi članici ili državi koja nije članica Evropske unije, te da je Prospektom ili Statutom Fonda u čije se udjele ulaze predviđeno da najviše 10% imovine Fonda može biti uloženo u dionice ili udjele drugih fondova. Ukoliko se imovina Fonda ulaze u udjele investicijskih fondova naknada za upravljanje koja se naplaćuje na teret imovine tih fondova ne smije biti veća od 3,5% godišnje. Ukoliko se imovina Fonda ulaze u udjele investicijskih fondova kojima direktno ili indirektno upravlja isto društvo za upravljanje, ili kojima upravlja drugo društvo s kojim je to društvo povezano zajedničkom upravom ili vladajućim uticajem, ili direktnim ili neizravnim međusobnim vlasničkim udjelom na takva se ulaganja Fondu ne smije naplatiti ulazna ili izlazna naknada.

Ulaganje u terminske i opcijske ugovore, prenosive vrijednosne papire i instrumente tržišta novca sa ugrađenim izvedenicama i druge finansijske izvedenice može se koristiti u svrhu zaštite imovine Fonda i u svrhu postizanja investicijskih ciljeva Fonda, odnosno povećanja prinosa i smanjenja troškova Fonda. Korištenjem finansijskih izvedenica neće se mijenjati investicijska strategija, niti povećavati izloženost rizicima iznad onih definisanih ovim Prospektom, Statutom Fonda i Zakonom. Ukupna izloženost Fonda prema finansijskim izvedenicama ni u kom slučaju ne smije biti veća od neto vrijednosti imovine Fonda. Društvo će investirati imovinu Fonda u vrijednosne papire i na tržišta na kojima će, prema procjeni Društva, ostvariti najbolji prinos, pri čemu će se pored navedenih ograničenja ulaganja utvrđena Prospektom, pridržavati i ograničenja ulaganja utvrđena Zakonom i podzakonskim aktima. U slučaju prekoračenja ograničenja ulaganja koja su posljedica kretanja cijena na tržištu, Društvo je, nastojeći sačuvati interese investitora, dužno uskladiti ulaganje Fonda u razumnom vremenskom periodu, nastojeći pri tome eventualni gubitak svesti na najmanju moguću mjeru. Društvo će nastojati da u roku od šest mjeseci od dana stupanja na snagu ovog prospekta strukturira portfolio Fonda prema odrednicama Zakona i Prospekta.

### Rizici ulaganja u Fond

#### Član 11.

Ulaganje u Fond pretpostavlja preuzimanje određene rizika. Općenito, rizik ulaganja na tržištu kapitala je vjerovatnost ili mogućnost da prinos od ulaganja bude nezadovoljavajući ili negativan. U slučaju Fonda, nezadovoljavajući ili negativan prinos može nastati kao posljedica sljedećih rizika:

1. Rizik promjene cijena finansijskih instrumenata (tržišni rizik),
2. Politički rizik zemalja u koje je uložena imovina Fonda,
3. Rizik promjene kursa (valutni rizik),
4. Kreditni rizik,
5. Rizik promjene poreznih propisa,
6. Rizik svojstven prirodni Fonda, promjene neto vrijednosti Fonda i likvidnosti Fonda.

Ulaganje u Fond nije bankovni depozit i kao takav nije osiguran od strane Agencije za osiguranje depozita BiH niti od neke druge finansijske institucije.

### Prava iz udjela u Fondu

#### Član 12.

Sticanjem udjela u Fondu i upisom u registar vlasnika udjela koji vodi Društvo, investitori stiču niže naznačena prava po osnovu vlasništva udjela Fonda:

1. pravo na obaviještenost (polugodišnji i godišnji izvještaji),
2. pravo na udio u dobiti Fonda,

3. pravo na prodaju udjela Fondu, odnosno obaveza otkupa udjela,
4. pravo na isplatu dijela likvidacijske mase Fonda. Prethodno naznačena prava iz udjela u Fondu vlasnici udjela ostvaruju u skladu sa Zakonom, Prospektom i Statutom Fonda.

### Sticanje i raspolaganje udjelima u Fondu

#### Član 13.

Svaki zainteresirani investitor može kupiti udjele u Fondu uplatom novčanih sredstava na račun Fonda, uz podnesen zahtjev za kupovinu udjela u sjedištu Društva ili ovlaštenom prodajnom mjestu, na osnovu čega stiče udio u Fondu. Način i uslovi kupovine udjela u Fondu navedeni su Prospektom Fonda. Početna vrijednost udjela u Fondu iznosi 100,00 KM. Najniži novčani iznos uplata u Fond svakog pojedinog investitora prilikom prve uplate iznosi 500,00 KM, dok minimalan novčani iznos prilikom svake naredne uplate iznosi 100,00 KM. Minimalna uplata u Fond prilikom ulaganja koje predstavlja investicijski plan čime se podrazumijevaju ugovorene periodične uplate u Fond je 50,00 KM.

#### Član 14.

Svaki vlasnik udjela u Fondu može u svakom trenutku sve udjele ili određeni broj udjela unovčiti prodajom Fondu pod uslovima navedenim u Prospektu i Statutu Fonda. Svaki vlasnik udjela u Fondu može u toku radnog vremena u sjedištu Društva ili na ovlaštenom prodajnom mjestu podnijeti zahtjev za potpunu ili djelimičnu prodaju udjela Fondu i na taj način istupiti iz Fonda. Prilikom predaje zahtjeva za prodaju važeće je stanje udjela zabilježeno u registru udjela Fonda koje vodi Društvo.

#### Član 15.

Način i uslovi prodaje udjela Fondu, odnosno obaveza otkupa udjela, utvrđeni su Prospektom Fonda. Kupovina udjela u Fondu obavlja se po cijeni udjela koja vrijedi na dan uplate a danom uplate smatra se dan priliva novčanih sredstava. Prodaja odnosno otkup udjela Fonda obavlja se po cijeni udjela koja vrijedi na dan zaprimanja pisanog zahtjeva za prodaju. U roku od najviše sedam dana od dana prijema pisanog zahtjeva za prodaju udjela investitoru će biti isplaćena ukupna prodajna cijena udjela utvrđena na dan prijema zahtjeva, umanjena za iznos izlazne naknade obračunate u skladu sa odredbama Prospekta i Statuta Fonda.

### Naknade i troškovi Fonda

#### Član 16.

Troškovi upravljanja Fondom čine važan faktor pri odabiru Fonda, jer investitori snose troškove upravljanja Fondom na način da oni terete imovinu Fonda, a time i imovinu investitora te u skladu s tim, vremenom mogu biti od uticaja na visinu prinosa Fonda

- Prilikom kupovine udjela u Fondu investitoru se obračunava i naplaćuje ulazna naknada u iznosu od 1% od iznosa uplate u Fond, uvećana za poreznu obavezu, ako takva obaveza postoji. Ulazna naknade se neće naplaćivati u toku trajanja Javne ponude. Društvo zadržava pravo kupcima udjela u Fondu odobriti smanjenje ili ukidanje ulazne naknade o čemu Društvo može donijeti posebnu odluku. Društvo može donijeti odluku o promjeni visine ulazne naknade, a u skladu sa Zakonom, o čemu je dužno obavijestiti Komisiju i tu informaciju objaviti najmanje u jednim dnevnim novinama, te izvršiti odgovarajuće izmjene u Prospektu Fonda.
- Fondu će se naplaćivati naknada za upravljanje uvećana za poreznu obavezu, ukoliko takva obaveza postoji. Naknada za upravljanje u iznosu od najviše 2,50% godišnje od neto vrijednosti imovine izračunava se svakodnevno jednostavnim kamatnim računom na osnovu dnevne neto vrijednosti imovine Fonda. Tako obračunata naknada kumulirano će se isplaćivati Društvu jednom mjesečno. Društvo zadržava pravo kupcima udjela u Fondu odobriti djelimičan povrat naknade za upravljanje.

Društvo zadržava pravo kupcima udjela u Fondu odobriti smanjenje naknade za upravljanje za maksimalno 30% o čemu Društvo može donijeti posebnu odluku.

Društvo može donijeti odluku o promjeni visine naknade za upravljanje, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.

- Prilikom prodaje dijela ili cjelokupnog iznosa udjela u Fondu, investitoru se obračunava i naplaćuje izlazna naknada, uvećana za poreznu obavezu, ako takva obaveza postoji, ovisno o trajanju ulaganja, a odbija se od neto vrijednosti imovine Fonda po udjelu u trenutku otkupa. Izlazna naknada u iznosu od najviše 2% naplaćuje se na iznose povlačenja u slučaju ulaganja kraćih od jedne godine, izlazna naknada od najviše 1% naplaćuje se na iznose povlačenja u slučaju ulaganja kraćih od dvije godine. Za ulaganja duža od dvije godine izlazna naknada se ne naplaćuje.
- Društvo zadržava pravo prodavcima udjela u Fondu odobriti smanjenje ili ukidanje izlazne naknade o čemu Društvo može donijeti posebnu odluku.
- Društvo može donijeti odluku o promjeni visine izlazne naknade, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.
- Prilikom zamjene udjela u jednom fondu sticanjem udjela u nekom drugom fondu kojim upravlja Društvo, o čemu se obračunava se naknada za prenos imovine između otvorenih fondova kojima upravlja Društvo.
- Društvo može donijeti odluku o promjeni visine naknade za zamjenu udjela u jednom fondu sticanjem udjela u nekom drugom fondu kojim upravlja Društvo, o čemu je dužno obavijestiti Komisiju i tu informaciju objaviti najmanje u jednom dnevnom novinama, te napraviti odgovarajuće izmjene u Prospektu Fonda.
- Troškovi koji se mogu knjižiti direktno na teret investitora ili otvorenog investicijskoga fonda sa javnom ponudom i koji terete Fond u visini stvarno nastalih su:
  - a) naknada i troškovi koji se plaćaju banci depozitaru,
  - b) troškovi i provizije vezane uz sticanje ili prodaju imovine,
  - c) troškovi vođenja registra udjela, uključujući troškove izdavanja potvrda o kupovini/otkupu ili stanju udjela, ako je to potrebno, te troškove isplate udjela u dobiti,
  - d) troškovi godišnje revizije,
  - e) troškovi izrade, štampe i poštarine vezani uz polugodišnja i godišnja izvješća vlasnicima udjela,
  - f) sve propisane naknade koje se plaćaju Komisiji,
  - g) porezi koje je Fond dužan platiti na svoju imovinu ili dobit,
  - h) troškovi objave izmjena Prospekta i drugih propisanih obavijesti, i
  - i) ostali troškovi određeni posebnim zakonima, Statutom i Prospektom Fonda.

#### Porezni tretman Fonda i investitora

##### Član 17.

Imovina Fonda teretit će se za sve porezne obaveze koje se odnose na poslovanje otvorenih investicijskih fondova s javnom ponudom prema važećim poreznim propisima FBiH i BiH, uključujući porezne obaveze koje je Fond dužan podmiriti na svoju imovinu ili dobit, kao i za troškove regulisanja poreznih obaveza i zahtjeva za povrat navedenih poreza.

Prema postojećim poreznim propisima u FBiH, imovina Fonda ne tereti se nikakvim poreznim opterećenjima.

#### Obustava otkupa i izdavanja udjela

##### Član 18.

Otkup udjela u Fondu može se obustaviti ako Društvo i banka depozitar smatraju da zbog iznimnih okolnosti nije moguće utvrditi tačnu cijenu imovine iz portfelja Fonda te da postoje osnovani i dovoljni razlozi za obustavu otkupa u interesu vlasnika ili potencijalnih vlasnika udjela u Fondu. U slučaju nastupanja navedenih okolnosti, Društvo će obustaviti i izdavanje udjela u Fondu. Obustavu otkupa i izdavanja udjela u Fondu Društvo će bez odgode prijaviti Komisiji.

##### Član 19.

Obustava otkupa i izdavanja udjela u Fondu prestat će nakon što Društvo i banka depozitar ocijene da je moguće odrediti tačnu cijenu imovine iz portfelja Fonda, a najkasnije u Zakonom propisanim rokovima. Okolnost obustave otkupa udjela u Fondu, kao i obavijest o naknadnom nastavku poslovanja, Društvo će objaviti u jednom dnevnom novinama koje se izdaju na teritoriji FBiH.

#### Finansijski izvještaji i obavijesti investitorima

##### Član 20.

Društvo će u skladu sa odredbama Zakona i drugim mjerodavnim propisima izrađivati polugodišnje i revidirane godišnje izvještaje o poslovanju Fonda te ih dostavljati Komisiji u okviru propisanih rokova. Pored

navedenog, Društvo će Komisiji dostavljati i druge izvještaje u skladu sa Zakonom i podzakonskim aktima. Polugodišnji i revidirani godišnji finansijski izvještaji Fonda su dostupni investitorima isključivo na njihov pismeni zahtjev. Prospekt i Statut Fonda kao i dodatne informacije o Fondu dostupni su u sjedištu Društva kao i prodajnim mjestima ovlaštenim za prodaju udjela Fonda, svakim radnim danom u toku radnog vremena, kao i na internet stranici Društva.

Društvo će cijenu udjela u Fondu staviti javnosti na raspolaganje na internet stranici Društva po svakom njezinom izračunu u skladu sa Zakonom. Društvo će vlasnike udjela u Fondu, na njihov zahtjev, obavijestiti o cijeni udjela u Fondu.

Društvo izdaje i u pismenoj formi dostavlja vlasnicima udjela Fonda izvod o stanju i prometu udjela u Fondu u njihovom vlasništvu najmanje jednom godišnje. Društvo je obavezno izdati izvod nakon registracije i svake promjene udjela u roku od osam dana od dana registracije, odnosno na pismeno podneseni zahtjev za izdavanje izvoda vlasnika udjela Fonda u roku od tri radna dana od dana podnesenog zahtjeva. Troškove izdavanja i dostavljanja izvoda snosi Društvo, odnosno vlasnik udjela u slučaju podnošenja zahtjeva za izdavanje izvoda.

##### Član 21.

Vlasnike udjela u Fondu Društvo će obavijestiti o:

- stanju i prometima udjelima u Fondu u njihovom vlasništvu,
- cijeni udjela u Fondu,
- revidiranim godišnjim finansijskim izvještajima Fonda,
- polugodišnjim finansijskim izvještajima Fonda,
- prijenosu upravljanja Fondom na novo društvo za upravljanje,
- izmjenama Prospekta i/ili Statuta Fonda, te obustavi otkupa i izdavanja udjela Fonda.

Smatrat će se da je Društvo obavijestilo vlasnike udjela o podacima iz prethodnog stava ovog člana, ukoliko su podaci objavljeni i/ili učinjeni dostupnim u skladu sa odredbama Zakona, i ako Zakon propisuje da se isti podaci ne moraju lično dostaviti investitorima.

#### Raspolaganje s dobiti Fonda

##### Član 22.

Dobit Fonda utvrđuje se finansijskim izvještajima i u cijelosti pripada vlasnicima udjela u Fondu. Cjelokupna se dobit reinvestira u Fond. Dobit Fonda sadržana je u cijeni jednog udjela, a vlasnici udjela realiziraju dobit na način da djelimično ili u potpunosti prodaju svoje udjele u Fondu u skladu sa odredbama ovog Prospekta.

#### Poslovna godina

##### Član 23.

Poslovnim godinom Fonda smatra se kalendarska godina koja počinje 1. januara i završava 31. decembra.

#### Otkaz i likvidacija Fonda

##### Član 24.

Odluku o likvidaciji Fonda donosi Društvo u slučajevima nastupa okolnosti predviđenih Zakonom. Likvidaciju Fonda provodi Društvo, osim u slučajevima u kojima je Društvo u stečaju ili mu je Komisija privremeno ili trajno oduzela odobrenje za rad. U slučaju nemogućnosti provedbe likvidacije Fonda od strane Društva, likvidaciju provodi banka depozitar Fonda. Likvidator je dužan u roku od sedam dana od donošenja odluke o likvidaciji, odnosno od dana imenovanja likvidatorom Fonda, o tome obavijestiti Komisiju za vrijednosne papire FBiH i sve vlasnike udjela u Fondu. Vlasnici udjela nemaju pravo zahtijevati raspuštanje odnosno likvidaciju Fonda.

##### Član 25.

U postupku provedbe likvidacije sva imovina Fonda se prodaje, a obaveze Fonda dospjele do dana donošenja odluke o likvidaciji se podmiruju. Preostala neto vrijednost imovine Fonda se raspodjeljuje vlasnicima udjela srazmjerno njihovom udjelu u Fondu.

#### Raiffeisen INVEST Društvo za upravljanje fondovima d.o.o. Sarajevo

##### Član 26.

Fondom upravlja Raiffeisen INVEST Društvo za upravljanje fondovima d.o.o. Sarajevo.

Naziv Društva: Raiffeisen INVEST Društvo za upravljanje fondovima d.o.o. Sarajevo

Skraćeni naziv: Raiffeisen INVEST d.o.o. Sarajevo.

Strani naziv društva: Raiffeisen INVEST d.o.o. Sarajevo, Fund Management Company Ltd. Sarajevo

Sjedište: Zmaja od Bosne bb, Sarajevo; Društvo je osnovano Odlukom Skupštine Raiffeisen BANK d.d. Bosna i Hercegovina od 19.07.2011. godine. Poslovanje Društva odobreno je Rješenjem Komisije za vrijednosne papire FBiH, br. 05/1-19-283-1/11 od 18.08.2011., a 21. septembra 2011. godine je upisano u sudski registar Općinskog suda u Sarajevu (MBS: 65-01-0754-11).

Osim fondom Raiffeisen BALANCE Društvo upravlja i fondom Raiffeisen CASH otvoreni investicijski fond s javnom ponudom.

##### Član 27.

Osnivač i jedini član Društva je Raiffeisen BANK d.d. Bosna i Hercegovina, sa sjedištem u Sarajevu, Zmaja od Bosne bb. Osnovni kapital Društva u iznosu od 645.423,90 KM, u novcu, u cijelosti je uplaćen.

#### Biografije članova Uprave i Nadzornog odbora Društva

##### Član 28.

#### Uprava

**Lejla Baljević Ramović**, direktor Raiffeisen INVEST d.o.o. Sarajevo. Godine 2008. stekla je zvanje magistra ekonomskih nauka Ekonomskog Fakulteta u Sarajevu, te zvanje MBA kod Univerziteta u Delaware, SAD. Posjeduje dogodidšnje iskustvo na tržištu kapitala BiH. Karijeru je započela u Vakufskoj banci dd Sarajevo i UNDP-u, a 2003. godine nastavlja karijeru na poziciji rukovodioca Odjela za trgovinu, analize i korporativno upravljanje Raiffeisen BROKERS doo Sarajevo i istu uspješno obavlja sve do 2009. kada preuzima funkciju direktora. Pripajanjem društva Raiffeisen BROKERS društvu Raiffeisen BANK d.d. Bosna i Hercegovina u maju 2011. godine, radni angažman nastavlja na poziciji rukovodioca Odjela tržišta kapitala. Od septembra 2011. godine preuzima poziciju direktora društva Raiffeisen INVEST d.o.o. Sarajevo. Dodatnu edukaciju stekla je položivši ispit za investicijskog savjetnika.

**Alma Sarić**, izvršni direktor Raiffeisen INVEST d.o.o. Sarajevo. Magistar ekonomskih nauka, poslovna ekonomija Ekonomskog Fakulteta u Sarajevu. Tokom 2004. godine stiče zvanje certificiranog računovode, a 2006. godine i licencu investicijskog savjetnika. Poslovnu karijeru započinje u Društvu za upravljanje fondovima Market Investment Group d.o.o. Sarajevo, nakon čega od 2005. godine karijeru nastavlja u odjelu Riznice Volksbank BH d.d. U istoj banci, vrši funkciju zamjenika vođe Riznice do septembra 2011. godine kada preuzima poziciju izvršnog direktora društva Raiffeisen INVEST d.o.o. Sarajevo.

#### Nadzorni odbor

**Karlheinz Dobnigg**, zamjenik direktora Raiffeisen BANK d.d. Bosna i Hercegovina, odgovoran za Retail poslovanje, Riznicu, finansijska tržišta i investicijsko bankarstvo, član Uprave Raiffeisen BANK d.d. Bosna i Hercegovina, predsjednik Nadzornog odbora Raiffeisen INVEST d.o.o. Sarajevo. 1992. godine završio Academy of Economics Bruck/Mur, nakon čega uspješno završava i trogodišnji Trainee program u Bank Austria Creditanstalt. 2002. godine završava i Bank Austria Creditanstalt Cyber School. Prije preuzimanja pozicije člana Uprave Raiffeisen BANK d.d. Bosna i Hercegovina, radno iskustvo stekao je na rukovodećim pozicijama u Novoj Banjalučkoj banci, HVB Central Profit banci i Bank Austria Creditanstalt. Funkciju člana Uprave Raiffeisen BANK d.d. Bosna i Hercegovina vrši od marta 2008. godine. Također, obavlja funkciju člana Nadzornog odbora Raiffeisen Leasing doo Sarajevo i UNIQA Osiguranje dd Sarajevo.

**Michael Georg Mueller**, direktor, predsjedavajući Upravnog odbora Raiffeisen BANK d.d. Bosna i Hercegovina, član Nadzornog odbora Raiffeisen INVEST. Doktorirao je na Pravnom fakultetu u Gracu (Austrija), 1984. godine. Nakon sticanja iskustva u industriji u Austriji, karijeru je nastavio u finansijskim institucijama sa početkom u ING Bank, Beč. Raiffeisen grupaciji se pridružio 1991. godine u kojoj i danas radi. 1991. – 1994., Raiffeisen Zentralbank Österreich A.G., Milano i Paris, šef Predstavništva; 1994. – 2001., Raiffeisenbank Austria d.d., Zagreb, član Uprave; 2000. imenovan za člana Nadzornog odbora Raiffeisen BANK d.d. Bosna i Hercegovina, 2001. imenovan za člana Uprave. Od marta 2007., obavlja funkciju generalnog direktora Raiffeisen BANK d.d. Bosna i Hercegovina. Od 2001. do 2005., učestvovao je u razvoju Raiffeisen Osiguranja dd Sarajevo kao predsjedavajući Nadzornog odbora.

**Reuf Sulejmanović**, direktor Riznice, finansijskih tržišta i investicijskog bankarstva, Raiffeisen BANK d.d. Bosna i Hercegovina, član Nadzornog odbora Raiffeisen INVEST d.o.o. Sarajevo. 2000. godine diplomirao na Ekonomskom fakultetu u Sarajevu. U periodu juli 2007. – septembar 2011. godine vršio funkciju rukovodioca upravljanja tržišnim i operativnim rizikom, Raiffeisen BANK dd Bosna i Hercegovina. Prethodno radno iskustvo stekao u Turkish Ziraat Bank Bosnia d.d. Sarajevo, Bank Austria Creditanstalt Representative Office, HVB Central Profit Banka i UniCredit Bank.

**Christa Maria Bernbacher**, direktor CEE Raiffeisen Kapitalanlage GmbH, član Nadzornog odbora Raiffeisen INVEST d.o.o. Sarajevo. Magistrirala je na univerzitetu Vienna University of Economics and Business u Beču 2001. godine. Do dolaska u Raiffeisen Kapitalanlage GmbH bila je između ostalog zaposlena u HSBC London, Pioneer Investments Austria te RBB Bank Vienna. Od septembra 2007. godine radi u Raiffeisen Kapitalanlage GmbH na poziciji direktora.

**Barbara Valkova**, vođa depozitnih proizvoda i proizvođa investicijskog bankarstva, Raiffeisen International Beč, član Nadzornog odbora Raiffeisen INVEST d.o.o. Sarajevo. Magistrirala na Ekonomskom fakultetu Sveučilišta u Ostravi, Republika Češka, 2000. godine. Od 2007. do 2011. godine vrši funkciju Head of Asset Management Company, Raiffeisen International Beč. Prije radnog angažmana u Raiffeisen International, dugogodišnje iskustvo stekla na rukovodećim pozicijama u Erste Bank.

##### Član 30.

Niti jedno društvo ne djeluje kao investicijski savjetnik Fonda.

#### Banka Depozitar

##### Član 31.

Banka depozitar Fonda je Volksbank BH dd, PC UNITIC, Fra Andela Zvizdovića 1, Sarajevo, koja je dobila dozvolu Komisije za vrijednosne papire FBiH za obavljanje poslova depozitara br. 05/1-19-74/11 od 24.03.2011.

#### Poslovna tajna

##### Član 32.

Podaci o vlasnicima udjela, stanju udjela, te uplatama i isplata u Fondu predstavljaju poslovnu tajnu Društva.

##### Član 33.

Članovi Društva, članovi Uprave Društva, kao i sve druge osobe koje su zaposlene u Društvu ili obavljaju stalne ili povremene poslove za Društvo na osnovu posebnog ugovora, dužni su čuvati podatke koji predstavljaju poslovnu tajnu. U protivnom su odgovorni Društvu za nastalu štetu zbog odavanja poslovne tajne. Obaveza čuvanja poslovne tajne ne prestaje niti nakon što osobe iz prethodnog stava ovog člana izgube status koji ih obavezuje na čuvanje poslovne tajne.

##### Član 34.

Iznimka od obaveze čuvanja poslovne tajne je Zakonom ili drugim propisom predviđena prisilnopravna obaveza razotkrivanja podataka, izvještavanje Komisije, te saopštavanje podataka na temelju sudskog naloga, zahtjeva određenog vlasnika udjela, te banci depozitaru.

#### Odgovornost Društva

##### Član 35.

Društvo je odgovorno isključivo za uredno i savjesno obavljanje djelatnosti osnivanja i upravljanja Fondom u skladu s odredbama Zakona, drugim mjerodavnim propisima te Prospektom i Statutom Fonda. U zasnovanju obaveznih odnosa i ostvarivanju prava i obaveza iz tih odnosa, Društvo je dužno pridržavati se načela savjesnosti i poštenja, te pri izvršavanju obaveza društva za upravljanje investicijskim fondovima postupati s povećanom pažnjom, prema pravilima dobre struke, dobrim poslovnim običajima te pozitivnim propisima FBiH i BiH, a sve u interesu vlasnika udjela u Fondu.

##### Član 36.

Unutar ovlaštenja utvrđenih Zakonom, drugim mjerodavnim propisima te Prospektom i Statutom Fonda, Društvo samostalno donosi poslovne odluke te ulaže sredstva Fonda u finansijske instrumente isključivo na osnovu vlastite procjene tržišnih kretanja. U slučaju promjene zakonskih propisa ili smanjenja likvidnosti na finansijskim tržištima, Društvo će u cilju zaštite interesa vlasnika udjela u Fondu prilagoditi program ulaganja novonastalim prilikama na tržištu te u skladu s tim izvršiti izmjene odredbi Prospekta i/ili Statuta Fonda.

##### Član 37.

Društvo nije odgovorno za vođenje poslova niti poslovne rezultate emitenata u čije su vrijednosne papire uložena sredstva Fonda, ostvarivanje pretpostavki o uspjehu ili ostvarivanju dobiti Fonda, kao niti za rezultate poslovanja Fonda koji su posljedica odluka Društva donesenih u skladu s prethodno navedenim propisima te Prospektom i Statutom Fonda.

#### Prelazne i završne odredbe

##### Član 38.

Izmjene i dopune odredbi ovog Statuta donosi Nadzorni odbor Društva, uz prethodnu saglasnost Komisije za vrijednosne papire FBiH, a na način određen Zakonom.

##### Član 39.

Za rješavanje sporova proizašlih ovim Statutom nadležan je sud u Sarajevu.


##### Član 40.

Odobrenje Statuta i svih njegovih izmjena i dopuna od strane Komisije za vrijednosne papire FBiH predstavlja uslov valjanosti i primjene Statuta Fonda. Ovaj Statut stupa na snagu danom odobrenja od strane Komisije.

Komisija za vrijednosne papire FBiH je dala odobrenje na ovaj Statut dana 27.09.2012. svojim Rješenjem broj 05/3-19-261/12.

Sarajevo, 11.09.2012.  
Broj: 672-b/12

Predsjednik Nadzornog odbora  
Karlheinz Dobnigg



Uprava Društva  
Alma Sarić  
Izvršni direktor

Lejla Baljević Ramović  
Direktor

